


խարատուեն անուանեալ երիւք քարաշէն սենեկօք, որոց միջին յ' 12 խորշս զատուցեալ է նոյնքան սեամբք և նուրբ և խիա քանդակօք, այլ գմբէթ նորա անկեալ է. և է սա շինեալ յամին 1209, ունի արձանագիրս յօլովս. վայելուչ է և տապանատունն ճոխութեամբ քարակերտ շինուածոց և խաչարձանաց, ունելով և մատրոնոս երիս 'ի վերայ իւր. գոն և այլ մատրոնք հուս և հեռի և իջեանատեղի մեծ որմափակ, այլ կործանեալ: Կորոգեալ է վանացս յամին 1685 և 1788 և դարձեալ լքեալ, և միւսանդամ 'ի հերուն (1852) ձեռն արկեալ եղև 'ի նորոգումն: — Սակաւուք հեռի 'ի հիւսիսոյ վանացն կայ Ս. Գեորգ եկեղեցի վայելուչ շինութեամբ և արձանագրաւ Գաբկայ Ա, և

մերձ նմին այլ եկեղեցի փոքր՝ նման նմին անսին բարձրագմբէթ, յորում գոյ և արձանագիր ՆԼԵ (986) թուականաւ. և այլ մատրոնք և փլած եկեղեցիք. որք թուին 'ի յիշատակ հանգստարանի թագաւորաց շինեալք, զի 'ի սնարս եկեղեցւոյ Ս. Գեորգայ կայ շիրիմ մակագրեալ ԱՇՈՏ ԹԱԳԱՆՈՐ, և կից նմին այլ շիրիմ անգիր: — Սակաւուք ևս 'ի բացեայ ըստ արեւելից հիւսիսոյ՝ կայ ՏՊԼԷ ԳԻԼՂ յերկից կողմանց պատեալ յԱխուրեան գետոյ և միւսոյն՝ պարսպօք ամրացեալ. ունի եկեղեցի հին, յորոյ դրանն վերայ քանդակք առիւծուց նապաստակ 'ի միջի ունեւով:

41. Յարեմտից Անւոյ ժամաւ հեռի կայ ՂԵՂԷՃԱ գետօլ, որ է հինն Բագնայր, կանգուն ունեւով զփառահեղ և մեծավայելուչ եկեղեցին շինեալ 'ի Սմբատայ Մազիստորոսէ յամին 1010, անսին գմբէթաւ

և լայն սիւնաղարդ գաւթաւ, լի և հոծ արձանագրութեամբք և դրուագօք. 'ի հարաւոյ արեւելից տաճարին կան զոյգ մատրոնք փոքունք, մին յանուն Ս. Լուսաւորչին, և 'ի միւսումն՝ շիրիմ անգիր:

Կիսաժամաւ 'ի հարաւոյ Ղօղլիճայ՝ կայ ԱւճԱ գիւղ, որ է ԱՇԼՈՒՆԱՒԷ, և 'ի նմա մնացուածք մենաստանի և եկեղեցւոյ նման Բագնայրի և մատրանց՝ կործանելոց իբր տան կամ 12 ամաւ յառաջ: — Իսկ 'ի հիւսիսոյ Ղօղլիճայ ժամաւ և աւելի հեռի կայ հինն ՄԷՆԷ ԳԻԼՂ՝ Գաբաղալ կոչեցեալ այժմ վանն այգեացն շատութեան, որք և յարձանսն յիշին. 'ի մնացուածս շինուածոցն կանգուն կայ հոյակապ տաճարն կառուցեալ 'ի Գաւթայ Սահառուոյ յամին 614, որով մի 'ի հնագունից եկեղեցեաց է, և մեծագոյն քան զյօլովս որ զվայրօքս, վեհակերպ և մեծագմբէթ, և պատկերաց քանդակօք պլճնեալ արտաբուսո. արձանագիր կառուցողին չև ևս ընթերցաւ, որպէս և ոչ ապարանիցն խանդարելոց, որ դրօսանաց վայր էր Բագրատունեաց. կան և շիրիմք ոչ սակաւք անդանօր: — Ի հարաւոյ Մրենոյ մերձ յԱխուրեանն կան աւերակք Բագրատն աւանի, զոր շինեաց Երուանդ Արշակունի, տեղի դից պաշտամանց, երկին և մնացուածք եկեղեցեաց 'ի գերբուհսն անդ, իսկ դաստակերտի նորին ԵՐՈՒՅՆԴԱՇԵՏԱյ աւերակք նշմարին յանկեան խառնրոց գետոյն ընդ Երասխայ: — Յարեմտից Մրենայ կայ ԱԼԷՔ կամ ԱԼԷՃԱ գիւղ պարսկաբնակ. և սա ունի եկեղեցի գմբէթաւոր շինեալ յամին



Աւաւարակ և մզկիթ յԱնի. — La mosquée d'Ani.